



門
武
號
卷

同
川
局
印

小青囊第七卷湯名目錄

第二十三大承氣湯

大承氣去芒硝 名小承氣湯 一名

三物厚朴湯

大承氣去厚朴枳實加甘草 名調胃承

湯氣

大承氣加甘草黃芩柴胡芍藥

一順氣湯

大承氣加甘草人參當歸

名黃龍湯

大承氣去枳實厚朴加甘草桂枝

枳仁名枳仁承氣湯

大承氣去芒硝加羌活

名羌活承氣湯

大承氣去芒硝加麻仁芍藥杏仁

名麻仁丸 一名脾約丸 一名潤腸丸

大承氣去厚朴枳實加甘草牛旁

當歸名條芩散

第二十四平胃散

平胃加貫衆

名貫衆散 平胃散

平胃加草果 名草果 平胃散

平胃加藿香砂仁神麴 名藿香 平胃散

平胃加茯苓人參 名參苓 平胃散 一名御藥院

平胃散

平胃加小棗生薑 名天下受 拜平胃散

平胃加神麴麥芽 名生料 平胃散

平胃加香附砂仁 名香砂 平胃丸

平胃加常山樞郎 名萬安散

平胃加柴胡藿香 名柴胡 調胃散

平胃加半夏藿香 名不換金正氣 又名普賢正氣

平胃加菖蒲藿香 名太無 神木散

平胃加丁香 名腎 著湯

平胃加藁本桔梗

風百解散

平胃加茯苓丁香白朮或加藿香

半夏

名茯苓散

平胃加人參白朮茯苓半夏草果

藿香

名養胃湯

平胃去厚朴加荆芥麻黃白芷

名消

百解散

平胃去厚朴蒼朮

名潤下丸

平胃合五苓散

名對金飲子一名胃苓湯

平胃合六一散

名黃白散

平胃合小柴胡湯

名柴平散

第二十五枳朮丸

枳朮丸加半夏

名半夏
枳朮丸

枳朮加陳皮

名橘皮
枳朮丸

枳朮加木香

名木香
枳朮丸

枳朮加橘皮黃連

名橘連
枳朮丸

枳朮加神麴麥牙

名麴藥
枳朮丸

枳朮加陳皮黃連白芍人參木香

名平補
枳朮丸

枳朮加陳皮神麴黃連黃芩大黃

名三黃
枳朮丸

枳朮加木香人參乾薑陳皮

名木香
人參

參乾薑
枳朮丸

枳朮加乾薑木香

名木香
乾薑枳朮丸

小書彙編
卷七
枳朮加神麴麥牙山查陳皮薑薑黃

名枳實丸

枳朮加大黃芩連神麴伏苓澤瀉

名枳實導滯丸

枳朮加人參白朮茯苓甘草黃連

厚朴半夏麥牙乾薑名枳實消痞丸

枳朮加神麴蘿蔔子黃芩紅花名除

濕益氣湯

枳朮加橘紅半夏神麴黃芩白礬

名白朮丸

枳朮加神麴麥牙山查香附砂仁

名加味枳朮丸

枳朮合二陳湯

名枳朮
二陳湯

第二十六天王補心丹

第二十七六味地黃丸

六味地黃丸加桂附

名崔氏
八味丸

六味地黃丸加五味子桂

名八
物

六味地黃丸加鹿茸牛膝

名
地黃丸

六味地黃丸加桂附五味子

名都
氣丸

六味合固本丸補陰丸

名三一
腎氣丸

小青囊湯名卷之七

秣陵求如王良璨玉卿氏編次

第二十三承氣湯

本方加減湯名九方附于后

大承氣湯

張仲景方 承順也以湯 蕩滌使塞者利閉者通正

氣得以舒順故名 承氣謂順氣也

枳實

君五枚 燻炒 泄瀉 王水
曰宜下 必以苦潰堅破積故

以苦寒

為王

厚朴

臣八兩 薑汁炒 去痞內經
曰燥淫于內治以苦溫洩瀉

除燥故以苦溫為輔

芒硝

佐七錢半 軟堅內經曰熱
淫于內治以鹹寒人傷于寒
則為病熱熱氣聚于胃為
實故以鹹寒消實為佐

大黃

使四兩 酒洗 泄實內經曰
燥淫所勝以苦下之熱氣內

勝則津液消而腸胃燥故以苦
寒之物蕩滌其燥熱為使
法宜酒洗者蓋邪氣居高非酒
不到譬如物在高巔人跡所
及必射而取之故以酒浸引
若生用苦寒峻下則遺高分之
邪熱所以愈後或目赤或喉
閉或頭腫膈上反生熱證矣

右四味以水一斗先煮二物去滓

大承氣湯

大承氣湯

二十二

二

同大黃煮取二升去滓內芒硝
更上火微煎一二沸分溫再服
得下餘弗服

一治二陽併病太陽證罷但發潮
熱手足漉漉汗出大便難而

譫語本太陽病併于陽明名曰
併病太陽證罷是無表證

但發潮熱是屬陽明一身汗出
胃也為熱越今手足汗出是熱聚于

一治傷寒四五日脈沉而喘滿沉

為在裏而反發其汗津液越出

大便難表裏俱虛久則譫語

一治傷寒六七日目中不了了睛

不和無表裏證大便難身微熱

一治發汗不解腹滿痛

一治汗出身熱不惡寒便鞭古硬字

譫語

治汗出譫語者必有燥屎在胃

中此為風也須下之必過經乃

可下下之若早語言必亂以表

虛裏實故下之則愈夫實則譫

語輕則鄭聲譫語者妄言也鄭聲者猶鄭衛之音

謂不正也

一治小便不利大便乍難乍易有

微熱喘胃不卧

一治大下後六七日不大便煩不解腹滿痛者此有燥屎所以然者本有宿食故也

一治吐下後不大便五六日至十餘日日晡潮熱不惡寒獨語如見鬼狀循衣摸牀脈弦者生瀉

者死但發熱者

一治傷寒舌見黃而澀有隔瓣者熱已入胃邪毒深心大煩渴者
一治舌見四邊微紅中央灰黑色此由失下而致用本方退之必
三四服方退五六次下不退者

不治

一治舌見黃而黑點亂生者其證必渴譫語脈實者生脈濇者死循衣摸牀者不治若下之見黑尿亦不治

一治舌見灰黑色而有黑紋脈實

一治舌根微黑尖隱見或有一脈實者

一治陽明病脈遲雖汗出不惡寒其身必重短氣腹滿而喘有潮熱者此外欲解可攻裏也手足濇然汗出者此大便已鞅也

一治陽明病潮熱大便微鞮

一治陽明病譫語有潮熱不能食者胃中有燥屎五六枚也若能食者但鞮爾

一治陽明病下之心下懊

一治陽明病發熱汗多

一治陽明與少陽合病必下利脈長者為順脈弦者為負負者尅賊也脈滑而數有宿食也

一治少陰病六七日腹脹不大便

一治少陰病自利清水色純青心下必痛口乾燥者

一治飢逆便秘

一治瘕病內實執壅胸滿咬牙

一治秘結脈實大而有力

一治關格丹溪治一婦人忽以吐逆人小便不通煩亂四肢漸冷無脈凡一日與大承氣劑至夜半大便通脈漸安復

愈

一治脾實痛不可近

甚有大汗加桂強壯痛

梔仁附子

一治腹大痛脈沉細實合附子理

中湯理中湯方即甘草乾薑白朮人參等分少加大附子

一治痢膿血稠粘

瘧滿 澹語 清中 腹脹 咳 面腫生 瘡 腹瀉

附本三加減湯名治病

小承氣湯

一名順氣湯

即本方去

芒硝 治傷寒痞實而微滿狀

若飢人食飽腹中無轉矢氣

又治傷寒陽明病汗出大便

鞭而謔語 又治大便不通腹

滿但繞臍痛為有燥屎 又治

傷寒陽明病多汗以津液出胃

中燥大便必鞭鞭則謔語 又

治傷寒太陽病吐下後微煩小

中風 腹滿咽 乾 大便結

三一承氣湯

即本方加甘草

治

痛又治小承氣湯證內熱不便

又治調胃承氣湯證謔語下利

小承氣湯第二十二 九

小便澀 濕熱滑 泄 熱甚喘 驚 口瘡 舌腫 癰瘍 心痛 積滯 酒食傷 暴瘡 陽厥 死胎 驚風 斑疹黑 陷 瘡癰 癰積 瘡 痘不出 痘頭焦 痘後大 瘡

此湯合而為一故名三一承氣湯也 治中風僵仆風顛 又治傷寒雜病內外所傷日數遠近腹滿咽乾煩渴譫語妄言心下按之硬痛小便赤澀大便結滯 又治濕熱內甚而為滑泄 又治熱甚喘咳悶亂驚悸顛狂 又治眼暴赤腫 又治口瘡舌腫喉痺癰瘍 又治陽明胃熱發斑脈沉有力 又治大小便不通腹滿欲死 又治卒暴心痛風痰酒膈腸結積滯久

壅風熱 又治暴傷酒食心煩悶亂脈數沉實 又治腎水陰虛陽熱毒甚而僵仆卒中一切暴瘡不語一名失音畜熱內傷 又治陽厥極深脈反沉細欲絕或表之衝和正氣與邪熱并之于裏則裏熱亢極陽極似陰反為寒戰脈微而絕 又治風熱燥甚客於下焦而大小便澀滯不通 又治兩感表裏熱甚 又治產後死胎不下 又治小兒熱極驚風潮搐煩喘昏塞

小兒驚風 承氣湯第二十二 十一

便不通

并發斑疹黑陷 又治斑疹後
熱不退久不作痲或作斑
癰久不已 又治佛熱內成疹
癰堅積黃瘦瘡疾久新 又治
痘出不快大渴腹脹滿大便不
通煩躁 又治痘頭焦黑乃榮
血不流行 又治痘手足發熱
必有汗此毒熱鬱于中大小便
不通脈沉滑數疾 又治痘大
小便不通煩躁狂妄腹脹喘而
渴脈沉滑數瘡不起此黑陷之
證 又治痘初出腹痛起發不

大便不通
通語
而熱
汗後惡
熱
吐後腹
脹
後腹
患

調胃承氣湯

即本方去厚朴枳實
加甘草 治傷寒實

透腹痛陷伏 又治痘後毒入
腹中熱氣併于大腸大便不通
而不滿腹如仰瓦腹中有轉矢
氣有燥屎不大便而謔語堅實
者 又治傷寒太陽病三日發
汗不解蒸蒸發熱者屬胃也
又治發汗後惡風寒者虛故也
不惡寒但惡熱實也當和胃氣
又治下後腹脹邪熱入胃也

黑

又治傷寒陽明病不因吐下心煩是胃有鬱熱也 又治傷寒舌見弦白心黑而脈沉微者難治脈浮滑者可汗沉實者可下始病即發此證乃危殆之甚也宜連進此湯 又治舌上白胎中有黑點亂生者尚有表證其病來之雖惡宜涼膈散微表表退即以此湯下 又治舌見黃色者必初白胎而變黃色也皆表而傳裏熱已入胃宜急下之若下遲必變黑色為惡證為亢

小青囊

卷一

瘦病 反胃 腹痛

害鬼賊邪氣深也死不治宜服此調胃 又治舌見黃而有小黑點者邪遍六府將入五藏也急服此湯下之次進和解散十救四五也和解散方蒼朮陳皮厚朴甘草桔梗藁本薑棗煎 又治舌見黃中黑至尖者熱氣已深兩感見之十不救一惡寒甚者亦死不惡寒下利者可治與此湯 又治瘦病發狂妄言身大熱而赤 又治熱壅嘔吐反胃大便不通 又治腹中常

承氣湯第二十三

卷七

十一

面熱
胃火
脾熱

痢
中消
牙腫

六一順氣湯

即本方加甘草黃芩柴胡芍藥以代大

有熱作痛此為積熱 又治面
熱乃陽明經餘熱 又治胃火
甚大便不通 又治脾熱者輕
手捫之不熱重按至骨又不熱
不輕不重按之熱在肌肉過夜
尤甚其人必怠惰嗜卧四肢不
振無氣以動而實者 又治初
痢 又治中消 又治腸胃積
熱口舌生瘡
或牙齦腫痛

潮熱譫
語

下利清

陽厥

瘡語渴

承氣小承氣調胃承氣三一承
氣大陷胸湯大柴胡湯六方故
名六一順氣湯順即承也 治
潮熱自汗譫語發渴揚手擲足
揭去衣被狂妄斑黃大便實者
屬陽明胃病 又治口燥咽乾
大便實屬少陰 又治下利純
清心下硬痛而渴者屬少陰
又治怕熱發渴譫妄手足冷
乍溫大便實陽厥證屬厥陰舌
卷囊縮者難治宜服此 又治
譫語發渴大便實繞臍硬痛有

熱病

結胸

產後及
虛便秘

燥屎 又治熱病目中不了了
謂不明也乃腎水已竭不能照
物病已篤矣與此湯 又治轉
尿氣者謂下泄也有燥屎也與
服之如大便通止後服不必盡
劑如不通宜再少與以通為度
又治結胸心下硬痛手不可
近燥渴譫語大便實者去甘草
加甘遂栝樹 又治傷寒過經
及老弱并血虛氣虛之人或產
後有下證或下後不解或有表
證尚未除而裏證又急不得下

下者悉與之

附陶節菴槌法先將水二鍾煎
滾三沸後入藥煎至八分臨服
時入鐵秀水三匙調服立效取
鐵性沉重之義最能墜熱開結
有神此千金不傳之秘若非吾
子孫承繼焉
肯泄露玄機

黃龍湯

即本方加甘草人參當歸

水譫語發渴身熱庸醫不識便
呼為漏底傷寒而用熱藥止之

傷寒吐
血
狂下血

如抱薪救火候死者多矣殊不
知此因熱邪傳裏胃中燥屎結
實此利非內寒而利日逐自飲
湯藥而利也名之曰結熱利

梔仁承氣湯

即本方去枳實厚朴
加甘草桂枝梔仁去

皮尖五十粒治傷寒吐血諸
陽受邪初熱在表應發汗熱毒
入經結於五藏內有瘀積故吐
血又治傷寒太陽病不解熱
結膀胱其人如狂血自下下者
愈其外未解者尚不可攻當先

血結胸
衄
喜忘
飢逆
癰
痢

吐紫血
胃口死

解其外外解已但少腹急痛者
乃可攻之宜此湯又治血結

胸中頭痛身痛欬水不欲嘔
又治血無熱胸滿漱水不欲

嘔又治喜忘昏迷如狂又
治傷寒飢逆舌強短者又治

癰在陰經而夜發用此下之再
截又治痢疾初起實者若

初失下反用固澀之藥以致邪
熱內蓄血不得行腹痛欲死惡

以此利之又治吐血竟胸中
氣塞上吐紫血又治平日喜

血 穢毒血
痘使黑
血 痘後大
便血
狐惑

食熱物以致死血留於胃口作
痛 又治臟毒下瘀血 又治
跌撲損傷瘀血作腹內加當
歸蘇木紅花入童便酒 又治
痘便血黑糞 又治痘後失血
證乃餘毒熱邪迫血妄行自大便
便出者 又治痘後狐惑證其
人好睡默默不欲食上唇有瘡
蟲食其肛下唇有瘡蟲食其穢
其聲啞嘔上下不定故名狐惑
此候最惡麻疹後猶多加
大便不通者以此下之

中風二
便不通

三化湯

即本方去芒硝加憲活
治中風二便不利邪氣內

實吳山甫曰上焦滿治以厚朴
中焦滿破以枳實下焦實奪以
大黃用憲活者不忘乎風也服
後二便微行則三焦之氣無所
阻塞而復其傳化之職矣故曰
三化此方惟實者可用劉元素
曰外有六經之形證先以加減
續命湯隨證治之內有便溺之
阻隔若三五日不
大便以此湯主之

大腸燥

脾約

牙齒蝕

時氣疔

麻仁丸

即本方去芒硝加麻仁二升芍藥半劬杏仁一劬

一名脾約丸一名潤腸丸治胃強脾弱不能四布津液濡潤大腸後便燥結者又治跌陽脈浮而濇浮則胃氣強濇則小便數浮濇相搏大便必難其脾為約宜此丸又治齒牙等蝕數年不愈當作陽明蓄血治之宜蜜丸服好飲者多有此疾

滌毒散

即本方去厚朴枳實加甘草牛旁當歸治時氣疔

瘡瘡五發瘡
癆喉閉雷頭

Table with multiple empty columns and rows, likely a grid for notes or a diagram.

第二十四平胃散

本方加減湯名十八方合和湯

名三方共計二十一

平胃散方

平胃者平其土之敦阜也

蒼朮

八兩 洗淨焙乾 味甘而燥甘則

先入脾燥則勝濕

陳皮

五兩 陳久者佳去白理肺氣化痰留白補脾胃消食

厚朴 五兩 紫厚有油不枯者去麤皮薑汁炒忌豆食之動氣

味溫而苦溫則益脾苦則燥濕與陳皮蒼朮同用則能除濕

滿所謂溫中益氣也

甘草 三兩炙 健胃和中養血補血 反大戟芫花海藻甘遂

忌猪肉 菘菜

右為末每服五錢生薑三片棗一

擘去核水一鍾半煎七分去滓

入鹽一捻沸湯點服亦可 夏

月加炒黃芩 遇陰雨濕時加

茯苓

一治濕滯于肉脾胃不能剋制濕

氣停滯

脾胃不和嘔吐惡心不思飲食者

胃寒嘔吐多加生薑

濕土有餘脈緩怠惰嗜卧四肢不
收大便泄瀉合二陳湯服

一治卒暴屍厥觸犯邪氣昏暈卒

倒

小腸氣加苦楝茴香

小便赤澀加茯苓澤瀉

瘟疫時氣二毒傷寒頭痛壯熱加

連根葱白五寸豆豉三十粒煎

二三沸服出微汗

咳嗽飲食減少脈弦細加當歸黃

小書卷八
著肌洪大緩加黃芩黃連

瘧疾初起加草果柴胡

脾寒痞癰加草果一枚

痰嗽瘧疾加半夏乾薑

胃氣痛加茴香

水氣腫滿加桑白皮

傷酒加丁香

飲冷傷食加高良薑

脾胃困倦不思飲食加參耆

脾泄滑脫加肉豆蔻

完穀不化加枳實

風痰四肢沉困加荆芥

小書卷八

脾胃散第二十四

卷八

八言
卷七
腿膝冷痛加牛膝

腿膝濕痺加鬼絲子

渾身虛壅拘急加地骨皮

大便硬加大黃三錢芒硝二錢

白痢加吳茱萸

赤痢加黃連

頭風加藁本

霍亂轉筋加楠木皮主霍亂吐瀉

七情六極耳鳴夢泄盜汗四肢浮

腫沉重腿膝痠痿加桂

心下痞滿腹脹倍厚朴甘草減半

氣不舒快中脘痞塞加砂仁香附

生薑一方加枳殼木香

婦人子宮久冷月事不調加桂

赤白帶下加黃耆調月水

小兒脾胃不和不思乳食心腹疼

痛口苦無味嘔噦惡心噫氣吐

酸面色痿黃體弱肌瘦肚腹泄

瀉依本方

小兒吐逆頻併手足心熱不進乳

食依本方

附本方加減湯各治病

草果平胃散即本方加草果治寒熱瘧疾愈後調理

貫衆平胃散即本方加貫衆治女人陰戶生虫腫痛癢

瘰癧
陰戶蟲

傷食吐

不定每用猪肝煮熟拌藥末二錢內入陰戶

藿香平胃散

即本方加藿香砂仁神麴治內傷飲食

填塞大陰嘔吐不已

參苓平胃散

一名御藥院平胃散即本方加人參茯苓

心腹助脹刺痛惡心

治脾胃不和不思飲食心腹脇肋脹滿刺痛口苦無味又治胸滿短氣又治噯氣吞酸又治面色

瘦弱霍亂反胃噦噎

痿黃肌體瘦弱急情嗜吐體重節痛常多自利又治霍亂吐瀉一法用棗肉丸小豆大薑湯下五十九丸常服調氣暖胃化宿食消痰飲辟風寒冷濕及四時非節之氣

痰水

天下受拜平胃散

即本方加小棗二百枚生薑三

兩治脾胃不和嘔吐痰水胸膈痞滯不思飲食以水五升煮

泄瀉

吞酸
呃臭

胃虛

瘧疾

乾搗餅晒乾為末每服二錢鹽湯點服如泄瀉生薑五片烏梅五個去核水煎服

生料平胃散

即本方加神麩麥牙

關脈滑

香砂平胃丸

即本方加香附砂仁

治宿食不化吞酸

瘧疾
五勞七傷

瘧疾
四時傷

瘧疾
手足腫

瘧疾
傷暑吐

瘧疾
寒熱瘧

柴胡調胃散

即本方加藿香治瘧疾寒熱又治五勞七傷手足心熱煩躁不安百節酸痛

不換金正氣散

即本方加半夏藿香治山嵐瘴氣諸般瘧疾又治四時傷寒頭目肢節疼痛肚腹脹滿嘔吐惡心痰嗽又治手足虛腫又

治五種膈氣噎塞又治寒熱泄利赤白痢又治傷暑吐瀉

手足厥冷又治瘡瘍脾氣虛

聲啞

弱寒邪相搏痰停胸膈以致發
寒熱 又治有濕證聲啞加茵
陳石菖蒲寒證
聲啞加薄桂

瘧疾

太無神木散

即本方加藿香菖蒲
一方以香附代藿香
治山嵐瘴氣憎寒壯熱一身
盡痛 夫嵐氣乃山谷障霧濕
土敦阜之氣也由鼻而入流於
百節故壯熱而一身盡痛宜用
平胃以平其敦阜之氣加菖蒲
藿香香辛之品以匡正辟邪也

瘧疾

腎著湯

又治四時瘧疫頭
痛項強寒熱身痛
即本方加丁香
治腰重痛

和解散

即本方加藁本桔梗
四時傷寒吐利煩躁自汗
啖嗽頭痛憎寒壯熱 又治瘧
病初作胸膈滿悶頭眩發熱

茯苓調胃散

即本方加茯苓丁香
白朮一方加藿香半
夏 治脾濕
胃寒嘔吐多用生薑 又治

脾濕
寒嘔

腰重痛

四時傷
寒瘧疾

感風寒

普賢正氣散

即本方加半夏藿香治感風寒

養胃湯

即本方加人參白朮茯苓半夏藿香草果治外感

瘧疾 瘟疫 痧氣

風寒內傷生冷憎寒壯熱頭眩
目昏肢體拘急不問風寒證並
宜治之先以厚被蓋睡連進數
服加以薄粥熱湯佐令四肢微
汗濺濺然候乾則徐徐去被謹
避外風自然解散 又治山嵐
瘴氣 又治四時瘟疫 又治
飲食傷脾發為瘧疾 又治中

似瘧

翻胃

瘴

腕虛寒嘔逆惡心 又治感暑

後感冷戴元禮曰此市井之人
多有此病往往日間胃熱經營
夜開寤眠臥欲取清涼失蓋不
覺病發潮熱似瘧猶未成瘧者
又治翻胃朝食暮吐暮食朝
吐脈遲而沉 或瀉而微

檳榔煎

即本方加檳榔草果生薑煨熟治山嵐瘴氣寒熱

嘔吐腹滿不思飲食

平胃散第二十四

卷七

傷風

消風百解散

即本方去厚朴加荆芥麻黃白芷治傷

風咳嗽頭疼鼻塞聲重

瘴

辟瘴飲子

即本方去蒼朮加人參茯苓半夏枳殼砂仁

治瘴時行無事之時宜先服此則不感染

痰

潤下丸

即本方去蒼朮厚朴治腸痰降痰製法見第三

卷二陳湯附方

附本方合和湯名治病

對金飲子

一名胃苓湯合五苓散

即本方治傷暑瀉

暑瀉 暑濕瀉 傷食瀉 霍亂 產後腫

而渴或瀉而熱或伏暑泄瀉發煩渴小便不利又治暑濕停飲泄瀉不伏水土又治霍亂吐瀉又治傷食瀉又治產後遍身浮腫

泄瀉

黃白散

即本方合六一散治泄瀉瀉煩渴及傷暑小便不利

小書卷一

平胃散第二十四

卷七

廿九

濕癰

柴平散 即本方合小柴胡湯 治
癰疾初發 一身盡痛 手足
沉重 寒多 熱少 脈
濡者 名曰濕癰

第二十五枳朮丸

本方加減湯名
十五方合和湯

名一方共計十
六方附于后

枳朮丸方

潔古張元素方

白朮

二兩土炒一法紫蘇薄荷黃
芩肉桂湯煮過 甘溫補脾

胃之元氣其味苦除胃中之濕
熱利腰臍間血故用補脾胃之
弱過於枳實一倍 忌桃
李雀肉胡荽大蒜青魚鱓

枳實

一兩麥麩炒 味苦寒泄 心下之痞悶消胃中所傷

右為細末荷葉包飯燒杵為丸綠

豆大每服五六十九丸清米飲下

元氣素弱飲食難化多則腹中不

和疼痛泄瀉此虛寒也加人參

酒炒芍藥炒神麩炒麥牙去殼

各一兩砂仁木香各五錢

素有痰火胸膈鬱塞噯酸噎氣及

素有吞酸吐酸之證或有酒積

瀉結痛此皆濕熱也加薑炒黃

連酒炒白芍陳皮各一兩石膏

生甘草各五錢砂仁木香各二

小書卷一
錢川芎四錢

傷食飽悶痞塞不消加神麴麥牙

山查各一二兩有食積痞塊再加

黃連厚朴瓜蒌去油各五錢積

墜者加蓬朮醋煮昆布各三錢

傷冷食不消腹痛溲泄加半夏一

兩砂仁乾薑炒神麴麥牙各五

錢

性多氣惱夾氣傷食氣滿不通加

川芎香附各一二兩木香黃連薑炒

各五錢

胸膈不利人過服辛香燥藥以致

上焦受傷胃脘乾燥嘔吐膈噎
翻胃加黃連薑炒山梔炒桔梗生
甘草石膏各五錢白芍當歸各
一兩胸膈頑痰膠結及大便燥
秘加芒硝五錢
素有痰者加半夏茯苓橘紅各一

兩黃連炒黃芩炒各五錢

人能食好食但食後反飽難化此
胃火旺脾陰虛也加酒芍一兩
半人參七錢石膏煨一兩生甘
草五錢黃連炒香附木香各四
錢

年高人脾虛血燄易飢易飽大便

燄難加白芍當歸各一兩人參

七錢升麻甘草各四錢山查麥

牙桃仁去皮尖各五錢

附本方加減湯名治病

半夏枳木丸即本方加半夏一兩治冷食內傷

指飲食

橘皮枳木丸即本方加橘皮一兩治老幼元氣衰弱

飲食傷

木香枳木丸即本方加木香一兩治飲食所傷心腹

肉味傷

橘連枳木丸即本方加橘皮黃連各一兩治傷肉味

痞滿

愈食傷

麴蘖枳木丸

即本方加神麴麥牙
各一兩 治勉食心

腹滿悶
不快

平補枳木丸

即本方加陳皮黃連
各一兩白芍一兩半

酒炒人參木香各半兩增白木
三兩調中補氣血消痞清熱

意云白木三兩補脾氣為君
白芍補脾血為臣 陳皮和

胃枳實消痞 黃連清熱三
味為佐 人參補元氣 木香

傷脾胃

傷肉麵
辛辣厚
味

調諸氣二味為使 如此則平
補氣血均去痰兼通氣道則病
邪日消而脾
胃日壯矣

三黃枳木丸

即本方加陳皮神麴
黃連黃芩大黃 治

傷肉食麵食辛辣味厚之
物填塞胸中致滿悶不快

木香人參生薑枳木丸

即本方加
木香人參

乾薑陳皮
開胃進食

青囊

枳木丸第二十五

卷二

三五

傷寒食

木香乾薑枳木丸

即本方加木香乾薑 破除寒

滯氣消 寒飲食

枳實丸

即本方加神麴麥牙山查陳皮薑黃 丹溪治積塊

枳實導滯丸

即本方加大黃黃芩黃連神麴茯苓澤瀉

治傷濕熱之物不得消化而作痞滿 濕熱之物酒麴之類也燥以制濕淡以滲濕故用白朮茯苓澤瀉 苦以下熱寒則

星

枳實消痞丸

即本方加人參白朮茯苓甘草黃連半夏

勝熱故加芩連大黃加神麴者盒造以使其變化也 厚朴乾薑麥牙 治心下痞痞惡食懶倦右關脈弦者 痞與否同不通泰也是肺氣不降脾氣不運升降不通也脾病則不能致氣於肢體故令懶倦 弦為肝脈木來乘土故令右關脈弦 是方也枳實黃連厚朴之苦可以下氣 半夏乾薑之辛

濕麩傷

豆粉麩
食油膩

可以行滯 人參甘草白木茯
苓之甘可使健脾 麥牙善消

陳致新

除濕益氣湯

即本方加神麩 雜葡萄
子炒黃芩紅花荷葉

丸 治傷濕麵心
腹滿肢體沉重

白木丸

即本方加橘紅半夏神麩
黃芩白礬 治傷口粉濕

麩油

加味枳朮丸

即本方加神麩麥牙
山查香附砂仁 治

脾胃虛弱飲食減少胸膈悶
酒傷食積氣滯腹滿常服進食

寬中和
揚脾胃

附本方合和湯名治病

枳朮二陳湯

即本方合二陳湯
治脾胃痰飲胸膈不

利 二陳湯方陳皮半夏茯苓甘草

枳朮丸論

蘭室秘藏論脾胃虛損曰易水張先生常戒不可峻利用藥食藥下咽未至藥丸施化其標皮之力始開便言快也所傷之物已去若更待一兩時辰許藥盡化開其藥峻

利必有

病去之後脾胃既損

是真氣元氣敗壞促人之壽當時說下一方枳實一兩麩炒黃色爲度白朮二兩只此二味荷葉裹燒飯爲丸以白朮甘溫補脾胃元氣其味苦除胃中之濕熱利腰膈間

血故先補脾胃之弱過於枳實一
倍枳實味苦寒泄心下之痞悶消
化胃中所傷此一藥下胃其所傷
不能卽化須待一兩時辰許食卽
消化是先補其虛而後化其所傷
則不峻利矣若人內傷熱物酒肉

之類用集香丸丁香丸巴豆大熱
之藥下之大便下則物去遺留食
之熱性藥之熱性重傷元氣其後
必無氣以動而熱因四肢不舉傳
變不可勝數使人真氣自此衰矣
若傷生冷硬物用牽牛大黃大寒

小書卷八
投之所傷既去遺留食之寒性藥
之寒性重瀉其陽陽去則皮膚肌
肉血脈無所依倚使人便爲虛損
之證矣論言及此令人寒心故辛
辣薄味之藥無故不可亂投非止
牽牛巴豆大黃而已

吳山甫曰一消一補調養之方也
故用白朮以補脾枳實以消痞燒
飯取其香以益胃荷葉取其仰以
象震象震者欲其升生甲膽之少
陽也此易老一時之方來東垣末
年之悟孰謂立方之旨易聞耶

第二十六天王補心丹

天王補心丹方

藏經云昔者志公和尚口夕講經鄧天王

憫其勞也錫以此方因得其名焉

生地黄

二兩用砂仁五錢茯苓一兩酒同煮去砂仁

人參

開心益志

玄參

補腎氣強益精忌銅

丹參

益氣養血 以上

遠志

去骨甘草煮半伏時 益志
慧耳目聰明不忘強志倍力

定心氣止驚
悸益精陽

柏子仁

微炒 主驚悸安五藏
益氣血潤腎燥興陽道

百部

酒浸炒 主肺
熱咳嗽益肺

杜仲

去麋皮薑汁炒斷絲 主腰
脊痛補中益精堅筋骨強志

酸棗仁

隔紙炒 補
心虛寧心志

白茯神

去木去皮忌醋 治善忘
開心益智養精神補勞乏

以上各
一兩

天門冬

去皮心地黃為使忌鯉
魚 強骨髓通腎氣

麥門冬

去心地黃為使 治虛勞
客熱強陰益精補心氣不

足各一
兩二錢

青囊

天王補心丹廿六

卷七

四二

石菖蒲

忌飴糖羊肉饅噐 開心
孔補五藏通九竅明耳目

聰明不忘
或迷或

五味子

補不足強陰益精在上滋
肺在下補腎 各五錢

當歸身

一兩六錢酒洗
畏菖蒲

桔梗

八錢 去丫尾及頭硬一節
米泔浸一宿 主驚悸得遠

志療
恙怒

右為末煉蜜丸每兩作十九金箔

朱砂為衣燈心棗湯食遠臨卧

化下作小丸亦可

一治心腎兩虛水火不濟致夜不

寐心悸口乾煩躁不定

一治心勞神虛夢洩

一治消渴

一治過勞其心忽忽喜忘大便難

或時澹利口内生瘡吳山甫曰心者神明

之藏過于憂愁思慮久久則成
心勞心勞則神明傷矣故忽忽
喜忘心主血血濡則大便潤血
燥則大便難或時澹利者心火
不足以生脾土也口内生瘡者
心虛而火內灼也用人參養心

氣當歸養心血天麥冬益心津
生地丹玄參解心熱柏仁遠志
養心神五味棗仁收心液伏苓
能補心虛枯硬能利咽膈諸品
專於補心勞心
之人宜常服

第二十七六味地黃丸

本方加賦湯名四方

合和湯各一方共計五方附于后

六味地黃丸方

一名金匱腎氣丸錢仲陽方

地黃

八兩酒拌蒸九次令黑爛或無灰酒煮爛搗膏胃弱者生薑汁同煮脾氣滯而膈間痞悶

同砂仁煮忌銅鐵蘿蔔犯之

令人腎消白人髭髮天男子損榮女子損衛

山藥

四兩懷慶切潔白強陰益氣

山茱萸

水酒浸取皮四兩緩火熬強陰益精及壯元氣

白茯苓

二兩去皮堅潔者補陽長陰益氣

牡丹皮

三兩去骨酒浸一宿瀉陰火治神志不足

澤瀉

二兩去毛作片酒浸罌器蒸養五藏益氣力起陰氣而補

虛損五勞俗說謂瀉腎者瀉腎邪也如茯苓伐腎邪即所以補

正耳

右為末煉蜜和地黃膏為丸如梧

桐子大每服五六十丸空心鹽

白湯下寒月溫酒下腎虛有飲

作痰唾生薑湯下婦人淡醋湯

下

一治形體瘦弱無力多因腎氣久

虛久新憔悴

一治寢汗

一治遺精淋濁

一治便血

一治腎虛憔悴盜汗發熱五藏昏

損瘦弱虛煩骨蒸下血

一治咳嗽

吳山甫曰有足心熱內股熱腰痛兩尺脈弱大者原於腎虛移熱於肺而咳嗽矣宜以此補腎

一治夜分咳嗽多屬陰虛腎水不足

一治陰虛火動

吳山甫曰腎非獨水也命門之火並

馬醫不虛則水足以制火虛則火無所制而熱證生矣名之曰陰虛火動河間氏所謂腎虛則熱是也令人足心熱陰股熱腰脊痛率是此證老人得之為順少年得之為逆乃咳血之漸也
熟地黃山茱萸味厚者也經曰味厚為陰中之陰故能滋少陰補腎水澤瀉味甘鹹寒甘從濕化鹹從水化寒從陰化故能入水藏而瀉水中之火丹皮氣寒味苦辛寒能勝熱苦能

入血辛能生水故能入少陰平虛山藥茯苓味甘者也甘從土化上能防水故用以制水藏之邪且益脾胃而培萬物之母

一治陰虛火動耳聾耳鳴

一治下消吳山甫曰先有消渴善飲而後小便如膏者名曰下消懼其燥熱漸深用此以救腎水

一治婦人血氣久虛無子

血虛陰衰地黃為君

精滑山茱萸為君

小便黃赤或多或少茯苓為君

小便淋瀝澤瀉為君

心虛腸熱積心火盛心氣不足丹

皮為君

皮膚燥澀山藥為君

骨痿加黃柏知母吳山甫曰腎氣熱則腰脊不舉

骨枯而髓減故為骨痿腎者水藏無水則火獨治故令腎熱腎

主督脈督脈者行於脊腎壞則督脈虛故令腰脊不舉骨枯而

髓減腎主骨故曰骨痿。熟地

山茱萸味厚而生陰知母黃柏

苦寒而瀉火茯苓山藥能制腎

腎氣虛
元冷

間之邪王冰曰壯水之主以制
陽光此方是之矣
又治腎勞背難俯仰小便不利
有餘瀝囊濕生瘡小便急并赤

附本方加減湯名治病

崔氏八味丸

即本方加炮附子桂
心各一兩 劉守真
曰桂附從四時加減春各三錢
夏錢秋五錢冬壹兩
治腎氣虛弱下元冷備臍腰疼
痛夜多旋溺腳膝緩弱肢體倦

陰痿

怠面色痿黃或黧黑及虛勞不
足渴欲飲水腰重疼痛小腹急
痛小便不利
又治陰痿入房太甚宗筋縱弛
名為陰痿吳山甫曰凡人入房
甚而陰事作強不已者水衰而
火獨治也陰事柔痿不舉者水
衰而火亦敗也丹溪曰天非此
火不足以生萬物人非此火不
能有生奈之何而可以無火乎
是方於六味中加桂附以益命
門之火使作強之官得其職矣

六味地黃丸廿七
卷七
五十

渴而未消

又治渴而未消其人多渴喜得
茶飲不若消渴之求飲無厭也
此為心腎不交水不足以濟火
故令二液口乾乃是陰無陽而
不升陽無陰而不降水下火上
不相既濟耳故用六味益其真
陰加附子肉桂之辛熱壯其少
火少火壯則陰自升真陰益則
陽自降故竈底加薪枯籠蒸溽
稿禾得雨生意維新惟明者知
之味者鮮不以為迂也昔漢武
帝病渴張仲景為處此方至聖

多唾
牙痛
淋
脚氣

小便不調

玄關今猶可想
又治下元冷憊心火炎上腎水
不能攝養多唾痰涎
又治腎虛齒痛
又治腎虛淋澀
又治足少陰經脚氣入腰腹脹
疼痛氣喘腎經虛寒此證最急
以腎水尅心火老人病此死不
旋踵
又治小便不調腎具水火主二
便而司開闔腎間之水竭則火
獨治能闔而不能開令人病小

轉膠
瘡後日

便不出腎間之火熄則水獨治
能開而不能闔令人小便不禁
是方以桂附溫熱益火地黃山
茱濡潤壯水火欲實丹皮澤瀉
之酸鹹收而瀉之水欲實茯苓
山藥之甘淡制而滲之水火既
濟則開闔治矣
又治婦人轉膠小便不得
又治諸瘡瘡愈後口乾渴甚則
舌黃及去小患先渴此腎水枯竭
不能上潤以致心火上炎水灰
不能既滋以故心煩躁渴小便頻

數或白濁陰痿飲食不多肌膚
漸削或腿腫脚瘦本方內地黃
與五味子各二兩山藥山茱丹
皮各一兩茯苓澤瀉桂心各五
錢名加味八味丸
瀉寇宗奭本草衍義云不過接
引桂附等歸就腎經別無他意
而王海藏韙之愚謂八味丸以
地黃為君而以餘藥佐之非止
為補血之劑蓋兼補氣也氣者
血之母東垣所謂陽王則能生

陰血者此也若果專為補腎而入腎經則地黃山茱丹皮茯苓皆腎經之藥固不待夫澤瀉之接引而後至也其桂附雖非腎經本藥然附子乃命門之藥况浮中沉無所不至又為通行諸經引用藥官桂能補下焦熱火不足是亦命門藥也易老亦曰補腎用肉桂然則桂附亦不待澤瀉接引而後至也唯山藥雖獨人手太陰經然其功亦能強陰且手太陰為足少陰之上源

源既有滋流豈無益夫其用地黃為君者大補血虛不足與補腎也用諸藥佐之者山藥之強陰益氣山茱之強陰益精而壯元氣茯苓之補陽長陰而益氣丹皮之瀉陰火而治神志之不足澤瀉之養五藏益氣力起陰氣而補虛損五勞桂附之補下焦火也由此觀之則余之所謂兼補氣者非臆說也且澤瀉也雖曰鹹以瀉腎邪非瀉腎之本也故五苓散用瀉

六味地黃丸廿七 五三

澤者詎非瀉腎邪乎白茯苓伐
腎邪即所以補正耳是則八味
丸之用澤瀉非他蓋取其瀉腎
邪養五藏益氣力起陰氣補虛
損五勞之功而已寇氏何疑其
瀉腎而為接引桂附等之說乎
然澤瀉固瀉腎然從於諸補藥
群衆之中雖欲瀉之而力莫能
施矣或者又謂八味丸以附子
為少陰之何導其補自是地黃
為主蓋取其健脾走下之性以
行地黃之滯可致遠耳竊意如

此則地黃之滯非附子不能及
下矣然錢仲陽六味地黃丸豈
有附子乎八味丸蓋兼陰火
不足者設六味地黃丸則唯陰
虛者用之耳

八物丸

即本方加五味子桂心
平補腎氣堅齒駐顏陰虛

陽竭

加味地黃丸

即本方加鹿茸牛膝
麵糊丸治小兒鶴

六味地黃丸廿七

卷二

五四

補腎氣

鶴膝風

補心腎

風膝

都氣丸

即本方加附子肉桂五味子補左右二腎水火

附本方合和湯名治病

三一腎氣丸

即本方合固本丸補陰丸補心腎諸藏

精血瀉心腎諸藏火濕此方有補有瀉補者補其精血瀉者瀉其濕熱人但知精血虛而能生火又不知精血虛邪水得以

乘之既加知母黃柏以瀉火又

加茯苓澤瀉以瀉濕也

古方以腎氣丸固本丸補陰丸

俱是滋陰補血之劑然固本丸

用二地二門冬胸滿有痰者忌

之補陰丸脾虛有濕者忌之腎

氣丸固補血滋陰而兼理痰濕

然品味數少不足以盡其變是

方補瀉兼施昆蟲為切當

固本丸補陰丸俱見第八卷

